

乾

象

通

鑑

乾象通鑑卷第三十七

河間府兗解進士臣李奉

聖旨編

列舍尾宿前論

尾宿統占

尾宿所主分野度数

尾宿所管星

日蝕尾宿

日暈尾宿

月蝕尾宿

月暈尾宿

月犯尾宿

尾宿統占

傳曰尾九星後宮之場妃后之府上第一星后也次

三星夫人也次星嬪妾也次第三星傍一星名神

宮解衣之內室

交曜鉤曰尾星爲九子主君臣不和則占於尾

石申曰尾星均明大小相承則後宮多叙子孫蕃昌

其星明后有喜不明后有憂

都萌曰尾星明則五穀豐熟不明則五穀傷若尾星

就祭則有水災

甘德曰尾星動搖則臣不臣亦曰有強臣擅主柄

古今星釋曰尾九星主后宮后妃嬪妾之屬亦主君

臣上第一星不明后妃有憂一曰女主惡之次三

星夫人之象次星主嬪妾御女星暗則後宮嬪御  
有陰謀若星明大有芒角盛于第一星主賤妾有  
暴貴者亦主后妃失勢後宮有新寵美女

大象旁通曰尾九星明潤大小有差俱光澤主後宮  
有叙尊卑上下之禮得矣若星就聚不可悉數者  
主後宮有異謀亦主尊卑失叙又曰後宮有爭寵  
者亦主大水災

陳卓叙曰曰尾九星亦名九子星主君臣天文傳曰  
君臣不和必占於尾若星變色失常其下有亂臣  
賊臣亦曰後宮有兵起若尾星移徙則主后妃失

勢嬪御有災

尾宿所主分野度數

尾九星一十八度距西行從西第二星去極一百二十八度在赤道外三十七度舊經尾從西第二星去極一百二十度

唐一行測去極一百二十四度

天文錄曰尾宿所主分野屬幽燕上谷漁陽北平遼東涿郡外國罽賓計羅多烏長并九小國

尾宿所管星

神宮星入尾一度

天市垣南門右星入尾四度南門左星入尾一十二度北門右星入尾三度北門左星入尾一十七度天江星在尾北其西第一星入尾七度車肆星在天市垣南門內偏東其東星入尾十三度其西星入尾八度半

帝星在天市垣中入尾一十一度

宦者星在帝星西其南星入尾九度

斗星在帝星西其魁第一星入尾八度

斛星在天市垣其西北星入尾四度

侯星在帝星南東入尾一十六度

宗正星在宗人西其北星入尾一十六度

傳說星在尾東入尾四度

市樓星在天市垣中其西一星入尾一十七度半

魚星在箕西入尾一十六度

龜星在尾南其西北頭入尾一十二度半

天紀星在天市垣北其西星入尾一度

### 日蝕尾宿

天文錄曰日蝕尾則將有疾

天文總論曰日蝕尾燕有兵喪將軍死

李淳風曰日蝕在尾有風飛沙

陶隱居曰日蝕在尾則貴臣有刑

甘德曰日蝕在尾主有疾風發屋折木人君戒之武密曰日蝕在尾後宮有憂又曰燕國有喪兵饑

古今星釋曰日蝕在尾其野有兵起後宮亦曰人君無出宮廊廟有伏兵若日在尾蝕幾既天子有憂  
女主擅國政

陳卓叙占曰日在尾蝕其國有急兵若有黑雲氣往來摩日主後宮有匿謀若白虹貫日而日復蝕在尾主後宮有陰殺無事

張平子通例曰日在尾蝕京師見四方不見主朝廷



有兵喪亦曰後宮有憂女主惡之日在尾蝕四方  
見京師不見燕國死大將亦曰燕地有兵

古今通占曰日在尾蝕從上始者後宮有兵起從下  
始者燕國失大將從中始者是謂黑子亦曰中蝕  
主其野破軍殺將

河圖遺書曰日在尾蝕晦主君道不足日在尾蝕二  
日主臣道有餘一曰君道內弱之象一曰人君受  
制于彊臣

河圖遺書曰日在尾春蝕甲乙日人君有兵憂憂蝕  
丙丁日後宮災秋蝕庚辛日後宮有兵起冬蝕壬

癸日女主干政四季蝕戊己日大將患之燕地有兵  
晉穆帝永和二年十月癸巳朔日有蝕之在尾尾燕  
分北狄之象也是時邊表姚襄符生互相吞噬朝  
廷憂勞征伐不止

唐咸亨三年十一月戊子朔日有蝕之在尾十度尾  
為后妃之府

### 日暈尾宿

天文總論曰日暈尾陰國弱

陶隱居曰日暈尾將相有憂

巫咸曰日暈尾女主喪

古今星釋曰日暈尾燕國有急兵若暈內蒼白赤黃外黑氣環繞之其分有兵憂亦曰破軍殺將

陳卓叙占曰日在尾暈一重至五重則後宮有陰謀犯上一日女主切君柄若暈七重至十重者其下有死將亦主後宮有廢后又曰後宮爭寵

一行游儀後論曰日暈尾有白氣如帶縈結外暈者其國有疾疫若黑氣奄覆者其分大水

張平子通例曰日暈尾及十重復有白虹貫之其國有女喪一日女主惡之

大象旁通曰日暈尾內有黑雲氣不見日終晝如夜

者其國無君天下大亂亦曰國失祚

月蝕尾宿

天文錄曰月蝕尾御者樂人有當黜者

天文總論曰月蝕在尾貴臣有犯刑法者

武密曰月蝕尾後宮有憂

井德曰月蝕尾貴族有刑法

武密曰月蝕尾后有憂又曰御女或主御來人當黜

太象旁通曰月蝕在尾諸家之論有不同者大率尾

主後宮亦主君臣其分野屬燕月在尾蝕近上第

一星主女主惡之蝕近次三星主夫人御嬪有黜

者以分野言之燕地有兵以所言之後官有憂考其蝕之淺深宿之度數故不得不異爾以意逆志理或然也

古今通占曰月在尾蝕幾既其分有急兵人君受制于彊臣乃陽微陰盛之兆也

陳卓叙占曰月在尾蝕從上始者后妃失勢從下始者嬪御有憂從旁始者燕分有暴破軍殺將

一行游儀後論曰月在尾蝕不當望天不清明如晦者其下將失國亦曰有破廢妃后

河圖遺書曰月在尾蝕非其月其國有亂者一日人

若去國百姓去鄉

月暈尾宿

天文歸日月暈尾有大赦益地者

天文總論日月暈尾其分當有疾疫

武密曰月暈尾其分有風至有水災

陶隱居曰月暈尾將相有憂

荊州占日月暈尾后妃有廢者一曰女主疾又曰民  
多病

大象旁通曰月在尾暈一月再暈暈再重者主後宮  
多疾疫亦曰女主有憂若月暈尾與歲星合後宮

有子孫慶月暈尾與熒惑合後宮災人君出德令  
以解之月暈尾太白合其分有亂兵亦曰後宮有  
兵起月暈尾與鎮星合後宮失叙月暈尾與辰星  
合主後宮有陰謀

廣古今占曰月在尾暈五重上有黑雲氣如獸狀欲  
吞噬者後宮爭寵若暈七重至十重者其國有亂君  
陳卓叙占曰月在尾暈內赤外青其野有死將月暈  
尾不周上第一星則主女主有喜慶事亦主后妃  
有儲嗣之喜

月紀尾宿

巫咸曰歲星守尾旱多火災

海中占曰歲星留舍尾五十日不下其國大臣亡

武容曰歲星乘犯尾穀貴又曰歲星犯尾燕國饑

李淳風曰歲星入尾主立后太子后族有昇顯者

大象旁通曰歲星凌犯尾上一星女主千畝一日改

在女主

河圖遺書曰歲星順軌入守尾及五十日后妃有喜

慶事一日後宮立皇后

廣古今占曰歲星守尾上第一星后妃有子孫之慶

亦曰後宮受君賜予若居五十日已上者其國當



以義致天下

晉孝武帝太元十九年四月歲星犯尾占曰為亂燕  
國亡至二十年慕容璽遣息寶伐魏反為所破死  
數萬人二十一年垂國遂衰亡

熒惑犯尾宿

天文錄曰熒惑星入犯乘尾有兵出入留舍尾二十  
日者有水災

天文總論曰熒惑久守尾而多祲祥后妃驚恐  
石申曰熒惑入尾天下戢兵

文曜鉤曰熒惑入尾三月客兵聚

却萌曰熒惑入尾宮中有譖誤者

甘德曰熒惑入尾宮人相疑皇后憂

挺佐輔曰熒惑入尾居陽有喜居陰有憂

武密曰熒惑入尾后妃有憂若熒惑在尾與辰星相

近天下年閏大赦

却萌曰熒惑入尾九州當之甲乙日入東方有咎丙

丁日入南方有咎戊己日入中央有咎庚辛入西

方有咎壬癸日入北方有咎

石申曰熒惑與鎮星同守尾米賁將軍出征伐

古今星釋曰熒惑逆紀尾咸勾己及環統後宮有虞

一曰后妃失勢若熒惑凌犯尾上第一星主后妃失勢以事坐廢

河圖遺書曰熒惑守尾色赤後宮有兵起色青後宮有匿謀色白後宮尚義色黑後宮陰殺無辜色黃後宮受天子玉帛

黃帝占曰熒惑入尾守中一星女主有憂亦曰后妃干政事露失寵若熒惑成已及環繞者後宮有半寵者一日有妬忌事

### 鎮星犯尾宿

天文錄曰鎮星出入留舍尾必有大將出者若魚豢

貴守尾則貴后有喜

天文總論曰鎮星犯尾色黃則后妃有慶賀事

坐咸曰鎮星入尾兵起其下

海中占曰鎮星入尾歲荒民饑

都萌曰鎮星逆行尾妾爲女主

荊州占曰鎮星入尾旱多盜賊

李淳風曰鎮星逆行尾女主不居宮又曰犯守尾者

后妃惡之若鎮星守尾有芒角動更姓易改其國

兵起

大象旁通曰鎮星犯尾凌乘及二十日已上其國更

造宮室一日後宮興土功若成勾己及環統者後  
宮有兵起一日御嬪有異謀

古今星釋曰鎮星凌犯尾中後宮有大災亦曰夫人  
有憂

陳卓叙占曰鎮星守犯尾其野失君臣之分亦曰君  
臣不和則鎮星犯尾

河圖遺書曰鎮星守犯大星其國失祀與戎亦曰後  
宮有女喪

廣古今占曰鎮星奄尾上一星后妃干政侵人君權  
亦曰其分有僭上臣又曰臣竊主柄則鎮星與尾映

太白犯尾宿宿

天文總論曰太白久留守尾其分水災

荊州占曰太白入尾大臣起兵人民多為殃

却萌曰太白出入留舍尾春秋羅貴太白守尾近女

主去遠女主廢

井德曰太白守尾宮人有罪者

石申曰太白入尾西方起兵近臣為亂

武密曰太白留守尾兵起於野又占曰皇后宮嬪或

責相有憂

李佺曰太白出入留守尾兵起於野

古今星釋曰太白守尾其下有兵若守上第一星則  
后妃有疾亦曰有憂若經天及環繞成勾已者女  
主廢一曰后妃失勢後宮有憂

大象旁通曰太白乘尾凌犯之其野君不君臣下犯  
上以奪主柄一曰臣竊君權

陳卓叙占曰太白逆犯尾其下有亂君一曰君臣不  
和宗社顛覆若經天或晝見在尾其野有大喪亦  
曰大人當之

魏明帝青龍三年十月壬申太白晝見在尾歷二百  
餘日常晝見占曰尾爲燕有兵

永興元年七月庚申太白入尾占曰爲女主憂一日  
天下亂是年皇后羊氏數被幽廢

晉安帝光熙元年四月太白失行自翼入尾箕占曰  
太白失行而北是謂反生不有破軍必有屠城五  
月段彖攻鄴魏郡太守馮嵩出戰大敗彖遂害東  
燕王暕殺萬餘人焚魏宮室並盡

辰星犯尾宿

天文錄曰辰星守尾則有水災民有疾入尾魚鹽貴  
荊州占辰星入尾江河決溢

甘德曰辰星守尾後宮有被罪者



海中占辰星守尾有水兵起事不成

巫咸曰辰星入尾萬物不成民多疾病

武密曰辰星入尾色青黑故臣有歸者又曰後宮有

省罷者

石申曰辰星守尾下賤易責民多疾病

古今星釋曰辰星犯守尾其國大水一日後宮有疾病

大象旁通曰辰星犯守尾乘之五十日不去其下有

水災一日江河決亦主後宮有陰謀若犯守上一

星后妃憂內變

廣志今占曰辰星失行守尾後宮有坐法者一日宮

人謀逆事露坐法

河圖遺書曰辰星凌犯尾大星其野有昏亂之君若乘之久而不去者後宮災

陳卓叙占曰辰星凌犯尾第一星后妃勢奪女主有憂若凌犯奄第一星不見後宮有女喪亦曰女主當之

客星犯尾宿

天文錄曰客星入尾多徙在於尾則歲有大風水災天文總論曰客星入尾則歲大饑有來歸國者出尾則后宮恩之守尾則有賤女來降者

陳卓曰客星出尾兵革罷弊民饑水多

黃帝曰客星出尾民多死

武密曰客星入尾宮人出又曰皇后去宮

海中占曰客星守尾賤女有暴貴者

古今星釋曰客星入尾奄上一星倡俳入宮亦曰有

賤女受寵賜

大象旁通曰客星抵尾大星立后妃側有懷姙嬖妾

若色白有姦謀色赤則懷二心色青諛言色黑則

賤女暴貴色黃女主故受錫予

晉孝武帝太元十八年二月客星在尾中至九月乃

臧占曰燕有兵喪二十年慕容垂遣息寶伐魏友  
所爲破死者數萬人二十一年垂死國遂衰亡

彗星犯尾宿

天文錄曰彗星干守尾有土功出尾有水災

天文總論曰彗星出入尾則貴臣誅

石申曰彗星干犯守尾皇后有以珠玉簪珥惑天子  
者誣譖起

李淳風曰彗星犯尾宮人出兵起宮門多土功

古今星釋曰彗星掃尾大星女主失勢後宮有喪  
若彗本可火所奄尾其下有暴兵一日不有死將

必有屠城

大象旁通曰彗星如箒掃尾大星不見女主有憂亦曰後宮有女喪又曰有廢后

河圖遺書曰彗星出尾宿中其下有死君亦曰有易王又曰有更政星傳曰彗之所出除舊寘新易王更化此其意也

魏少帝止始元年十月乙酉彗星見西方在尾長二丈占曰尾為燕吳二年吳遣三將寇邊吳太子登辛六月宣帝討諸葛恪大尉滿寵薨

彗星犯尾宿

天文錄曰字星千字尾宮人出後宮有憂

天文總論曰字星出入尾貴人憂

李淳風曰字星千犯尾多土功事

石申曰字星犯尾有大臣憂誅

陳卓叙占曰字星入尾大水民饑亦主後宮有憂又  
曰星字入尾後宮遷徙亦曰宮人出

大象旁通曰字星千犯尾則君臣不協國祚失若字  
星色曰言無色赤言後宮災色青有憂色黑言後  
宮有陰謀色黃則吉

魏少帝止始元年十月乙酉彗字見西方在尾長二

犬插牽牛占曰爲燕又爲吳牛亦吳越之分二年  
五月吳遣三將寇造吳太子登卒是時討諸葛恪  
於皖大尉滿寵薨之應也

唐 啓 年五月丙戌有星字于尾歷北斗攝提占  
曰責臣死

### 流星犯尾宿

天文錄曰流星入尾諸侯客有來使出尾則君使人  
來諸侯

天文總論曰流星入尾而色青則舊臣有來歸者

李淳風曰流星犯尾春憂犯則后宮口舌秋冬犯賢

却萌曰箕星移徙天下不安民人移徙又曰天下安樂則箕中星衆天下不安則星少少則衆貴

古今星釋曰箕星主後宮后妃之府星明潤則年穀豐富及後宮有喜慶事星暗則後宮不安御女出星疎拆則后妃失勢星就聚則後宮多譏諛星如移徙及變常後宮有匿謀

陳卓敘占曰箕星微細及變色主後宮有姦謀若星有芒角乍東乍西期五日大風雨星若不正則有急兵

大象旁通曰箕星主后妃之府亦主後

星亡



後宮有憂四星俱亡后妃失勢亦曰

后又

蠻夷胡貊星有芒角四出乍東乍西光  
搖者亦蠻夷有兵客星入之其蠻貊寇邊又風  
雨若箕星乍明乍暗者期五日有大風雨月宿之  
亦然

箕星所管分野度数

箕四星一十八度距西北第一星去極一百二十三  
度在赤道外三十二度

舊經距極一百八十一度

唐一行測距極一百二十度

天文錄曰箕所主分野屬渤海樂浪玄菟橫揚外國  
康國米國解蘇并九小國

箕宿所管星

標星在箕南入箕一度

農丈人星在箕東入箕五度半

杵星在箕南其北星入箕二度半

市樓東五星入箕二度

宗人在宗星北其東星入箕四度

宗星在宗人北其北星入箕七度

屠肆星在天市垣内北門東頗第三星  
西星入

箕五度

帛度星在屠肆星南其西星入箕四度

天市垣東星入箕五度

天鑰星在箕北其北明星入箕一度半

女牀星在天紀北其西星入箕一度

日蝕箕宿

天文錄曰日蝕箕則將有疾

天文總論曰日蝕箕有大風發屋拆木飛沙走石有

佞臣而害忠良

甘德曰日蝕在箕有疾風

石申曰日蝕在箕大臣憂主皇后崩

李淳風曰日蝕在箕君戒之無出入廊廟有不虞亦

曰有伏兵又曰禁衛有謀

古今通占曰日在箕蝕其野有女喪亦曰後宮女主  
惡之

大象旁通曰箕主后妃之府日在箕其下廢后亦曰

有女喪又主風雨若日蝕不及二分餘無它憂變

主其野有百日雨亦曰有大風拔木巨主蠻夷胡

貉日在箕蝕旁有黑雲氣從外奄日往 定者

主蠻貊起兵入寇中土又曰日蝕箕 後宮有

口舌事亦主爭訟

古今通占曰日蝕在箕從上始者女主惡下始

者壞御受禍亦曰後宮有口舌從中始者是謂黑子亦中始也亦主后妃失勢或曰女主有疾

陳卓叙占曰日在箕蝕幾既天子憂內亂亦曰後宮有陰謀

河圖遺書曰日蝕箕在晦不在朔主女主于朝故竊天子柄亦曰政在宮闈日蝕箕在二日不在朔主變夷有兵起

京房外傳曰日在箕蝕京師見四方不見主後宮有

憂亦日起兵天子庭日在箕蝕四方見京師不見  
主蠻夷有兵起

廣古今占曰春甲乙日蝕箕後宮惡之夏丙丁日蝕  
箕後宮有陰謀亦曰後宮有災秋庚辛日蝕箕後  
宮有兵起冬壬癸日蝕箕蠻夷有急兵四季戊己  
日蝕箕人君更造後宮亦主大風雨

日暈箕宿

天文總論曰日暈箕後宮有譖而坐罪者日暈箕  
國祚言

張平子通例曰日暈箕再重內赤黃外青白其下有

急兵亦曰後宮有恐

古今通占曰日暈箕開口三日有大風

曰不

有颶風必有驟雨若暈再重至三重俱開口主後宮有匿謀陰殺無辜

陳卓叙占曰日在箕暈一重至五重有白虹貫之其下有女喪亦曰有廢后若暈七重至十重者其國空後宮亦曰後宮有災

河圖遺書曰日在箕暈內白外青黃旁有黑雲往來奄覆者其國有貴女爭訟亦曰后族有繫獄者

一行游儀後論曰日暈箕有白氣如帶紫結者主後

宮有陰事宮闈有匿謀

大象旁通曰日暈箕外青黑赤黃內蒼白者主人君  
進倡俳入宮

廣古今占曰日暈箕消日再暈箕主後宮有奇禍女  
主惡之

月蝕箕宿

天文錄曰月蝕箕御者樂人有當黜者又爲風

天文總論曰月蝕箕其野車騎滿道路

武密曰月蝕箕有水旱民饑

石中曰月蝕箕將有暴風亦主急雨



陶隱居曰月蝕箕后妃惡之

古今通占曰月在箕蝕幾旣其野後宮有貴女

亦曰後宮將內亂則月蝕箕旣

陳卓叙占曰月蝕在箕蝕從上始者嬪御有憂從下始者蠻夷有憂從夢始者後宮有口舌事。

一行游儀後論曰月在箕蝕旣天悔不見星至曙者其國改歸房闈人君內弱國將失祚

廣古今占曰月在箕蝕非其月其野有走君亦曰有內變

大象旁通曰月蝕箕不在望主後宮有新進美女以

奪后權又曰有暴貴美女

月暈箕宿

天文錄曰月暈箕國有風發屋北夷穀貴燕趙饑  
天文總論曰月暈箕則歲大旱余貴風雨不時

李淳風曰月暈箕五穀不成

武密曰月暈箕太將易

石申曰月暈箕其國有風傷余貴民饑

荊州占曰月暈箕北夷余貴燕趙大饑又曰王者納后

大象旁通曰月暈在箕期五日有暴風雨若月暈

再重主大風發屋瓦又曰月暈箕與歲星合者主

立后亦曰后妃受天子寵月暈箕與熒惑合後宮  
有疾疫亦主天子更造宮室月暈箕與太白合後  
宮有兵變月暈箕與辰星合主後宮有謀陰主陰  
殺無辜

廣古今占曰月暈箕一重至五重者其國有被黜后  
妃亦曰後宮惡之若一月再暈其國有急兵若暈  
開口隨所向期三日有飄風驟雨

陳卓叙占曰月望暈在箕主後宮有妖言鼓惑御女  
以害內政月暈上弦在箕主宮闕有疾疫月暈下  
弦在箕主蠻貊有兵變

乾象通鑑卷第四十

河間府免解進士臣李李奉

聖旨編

列舍箕宿後論

歲星犯箕宿

箕或犯箕宿

鎮星犯箕宿

太白犯箕宿

辰星犯箕宿

客星犯箕宿

彗星犯箕宿

孛星犯箕宿

流星犯箕宿

雲氣犯箕宿

歲星犯箕宿

天文總論曰歲星入箕則宮內有口舌相譖佞守犯  
乘凌箕宿其歲多惡風五穀貴

李淳風曰歲星入箕者歲熟又曰歲星在箕南星在  
箕北有年一日歲入箕中行疾宮中有相譏事若  
守犯箕多惡風穀貴

武密曰歲星入箕逆行天下亂

石申曰歲星守箕民多饑死

陳卓叙占曰歲星愆度循軌守箕宿其野人君德至  
于天其政和若歲星失行逆度不循軌道犯箕中  
後宮內亂故女主惡之

河圖遺書曰歲星不依常色及出怒角犯守箕宿其  
野有新立后妃亦曰有新進美女暴貴又曰內政  
大壞則歲出怒角守犯箕宿

大象旁通曰歲星退行失次守犯箕南主其國大旱  
赤地千里守犯箕北其國大水城邑行毋

災惑犯箕宿

天文錄曰災惑守箕則燕王有疾又曰地動

天文總論曰災惑出天梁守箕中旱

武密曰災惑出天梁守箕大赦

陶隱居曰災惑久守箕有水災

海中占曰災或守箕大旱

却萌曰災或守箕國政急責人多病死

黃帝占曰災或守箕燕王病

荊州占曰災或十月守箕天下火余貴

却萌曰災或逆行守箕諸侯相謀

石申曰災或環繞成勾己大臣誅守久民流亡

李淳風曰災或守箕人主惡之

大象旁通曰災或逆行守箕環繞成勾己者其國有

立自諸侯亦主後宮有爭訟

河圖遺書曰災或犯守箕中其野急故下民勞怨亦

日國饑民死

陳卓叙占曰熒惑不依常色及失本度不循軌道犯箕出四角乍東乍西者其國有死君亦曰國將棄祀興戎

晉惠帝永康元年八月熒惑入箕占曰人主失位兵起明年趙王倫篡位改元尋為大兵所滅

鎮星犯箕宿

天文錄曰鎮星守箕后貴人大喜若有土功事

天文總論曰鎮星犯箕則女主有憂久留則有故宇箕則色黃潤則太后大喜慶



宋淳風曰鎮星守犯箕女主憂有赦又曰鎮星出入箕留守及九十日人流亡兵起

却萌曰鎮星留守箕年多蝗虫

石申曰鎮星守箕后貴人出

海中占曰鎮星守箕有大喪有土功事

石申曰鎮星守箕萬物不成水災兵起

陳卓叙占曰鎮星逆犯箕其野大饑荒民乏食流土

亦曰棄責民亡

河圖遺書曰鎮星逆犯箕其國興土役更造後宮天下民勞

大象旁通曰鎮逆行倚箕前後國有內亂一曰兵起  
後宮若鎮星逆行傍箕陽其野大旱民饑亦主多  
風倚箕陰其國大水民困亦主多雨

太白犯箕宿

天文錄曰太白入箕中有赦出箕衆貴有德令若上  
功事

天文總論曰太白犯箕女主有喜守箕有兵

郊謠曰太白出入留箕五穀不登多蝗虫

荊州占曰太白守箕多旱大風人民有誹謗

石申曰太白守箕兵起有赦守久旱

武密曰太白犯箕女主有喜色黃潤者如是餘色凶  
大象旁通曰太白經天犯箕中其國有女喪亦曰後  
宮有急兵

聖咸曰太白守箕民多疾病

古今通占曰太白失本色犯箕其國有廢后亦曰有

暴責暴黜殯御

陳卓叙占曰太白經天犯箕中其野有暴兵亦曰國  
政大壞亦主內政不脩

河圖遺書曰太白守犯箕環繞成勾已者主後宮有  
兵亂亦曰天子禁衛有陰謀

張平子通例曰太白晝見犯箕中其國有昏亂之君  
一日太白晝見在箕其野政歸房幃天子拱手又  
曰政不修神器傾覆

晉元帝大興四年十二月太白犯箕占曰王者土地  
至末年慕容皝自稱燕王

辰星犯箕宿

天文錄曰辰星守箕則旱

天文總論曰辰星犯箕有赦守箕則其分有災三日  
內有風雨解之無咎

武密曰辰星守箕角動搖色青有臣戮死

陳卓曰辰星犯箕河水大溢

巫咸曰辰星犯箕旱多火災五穀不成

黃帝占曰辰星犯箕七日已內有火災或疾風解之  
却萌曰辰星犯箕有兵執政者當之

石申曰辰星犯箕五穀不成

武密曰辰星入箕大赦不然有急令

大象旁通曰辰星逆行守箕其國有憂若逆守箕南

則大旱犯箕北則大水二者皆歲饑民死之象也

陳卓叙占曰辰星犯箕其國有暴貴美人亦主後宮

多嬪御若辰星退行失度又失本色或出怒角犯

箕者後宮惡之亦曰后妃有疾

河圖遺書曰辰星失行犯箕燕趙分多大水亦曰有  
饑民為盜

客星犯箕宿

天文錄曰客星出於箕民饑大臣有棄者入箕其饑  
天文總論曰客星入箕有土功事守箕則秋冬水災  
武密曰客星入箕則有風雨

荊州占曰客星入箕多風暴雨宮女不安或外國有  
使來一日梓木用

郝萌曰客星入箕民流亡若出箕宮人出

黃帝曰客星守箕多土功事又曰守箕北小熟東大

熟守箕南小饑守基西大饑

石申曰客星守箕天下饑失本色則為兵

天文總論曰客星大如杯守箕中燕分有死將一日  
有破軍若色白如粉絮有土功事天下民勞

陳卓叙占曰客星守箕中奄前星不見女相有憂亦

曰內謀通外姦宮中有變

河圖遺書曰客星出箕中色青白者其野有急兵亦

曰有死將

廣古今占曰客星入箕中色黃白出怒角者后妃當

之亦曰後宮有憂

彗星犯箕宿

天文錄曰彗星出箕則旱殺貴

天文總論曰彗星出犯守箕則夷狄自誅戮

詩緯含文嘉曰彗星守箕東夷爲亂

武密曰彗星出箕夷狄爲亂大旱征兵起

陳卓叙占曰彗星出箕中其野有亂兵亦主燕趙有

更王

古今通占曰彗本在箕老角奄前二星不見者后妃  
有疾而曰貴女惡之



大象通占曰彗星如掃箕其下有廢后亦主有女喪  
河圖遺書曰彗星入箕中其國有革政亦曰有新令  
或曰急令若光芒長可丈所以上者當有易王

字星犯箕宿

天文總論曰字星出犯箕夷兵亂糴賁字箕東夷災  
武密曰字星守箕中其國將為亂

海中占曰字星出箕穀貴大旱民多死者

陳卓叙占曰星字于箕中其野有大寇掠良民亦曰

不利主將亦主大旱

大象旁通曰星字于箕燕趙大旱民饑流亡若色青

言鐵色赤言後宮災色白言急兵黑言大水民饑  
雜貴色黃則吉主中外通和好

流星犯箕宿

天文總論曰流星出箕則宮人有出者

武密曰流星交對抵箕則宮人不安

李淳風曰流星犯箕春夏犯則金玉貴秋冬犯則土

功興王者大作宮殿峻城隍

乙巳略例曰流星入箕多風雨若色黃為大臣出使

一曰繫夷來貢

陳卓叙占曰流星抵觸箕星其分有急兵色蒼白主

大冠起燕趙若色青亦主後宮有變謀主嬪有憂  
大象旁通曰流星入抵箕其中國有死將亦主東夷  
起兵流星出箕中主其野兵出先舉者不利

廣古今占曰流星出箕口中其野有土功百姓勞怨

天下之民有離心亦曰星流箕口天下民走

古今  
註曰

天下民走謂避  
勞而走也

晉穆帝永和八年六月有流星大如三斗魁在箕斗  
之間燕分占為曰營首之下其地流血是時慕容  
俊僭號大燕王攻伐不已

雲氣紀箕宿

天文錄曰蒼白氣出箕則國災除入箕則蠻夷來見  
又曰有美喜黃氣出箕則天子有使者出

天文總論曰青氣出箕其分灾除不尔四夷來降者  
黃氣入箕則四夷來貢獻者黃白氣入箕則外國  
當有進美女人來

乾象通鑑卷第四十

乾象通鑑卷第四十一

河間府免解進士且李李奉

聖旨編

列舍南斗前論

南斗統占

南斗所主分野度数

南斗所管星

日蝕南斗

日暈南斗

月蝕南斗

月暈南斗

月犯南斗

南斗統占

傳曰南斗六星天廟丞相也太宰之位主褒賢進士

稟授爵祿又主兵一曰天機南二星天庫樓也天  
梁也中央二星天相也此二星天府庭也謂南星  
者魁星也北星者杓星也第一星曰北亭一曰天  
關一曰欽鉞

石申曰南斗第一星主吳第二星主會稽第三星主  
丹陽第四星主豫章第五星主廬江第六星主九江  
井德曰南斗星盛明王道和平天下安寧主長壽將  
相同心斗不明大小失次王者失位斗星亡角動  
搖則國失忠臣天下多愁嘆

郭萌曰斗星明大則爵祿在位五穀孰其大臣得勢

而親近風雨以時

陶隱居曰南斗主天子壽命之期亦主宰相爵祿位  
陳卓叙占曰南斗六星各有所主大率亦主天廟丞  
相太宰之位亦主褒賢進士拔舉人材也星明潤  
則其國任賢使能天下大治星暗賢人在野廟堂  
非其人星移徙則大臣退位亦主宰相被黜星端  
列則天下大亂亦曰大臣僭竊主權也

大象旁通曰南斗星大小參差不齊者主國失賢佐  
星若踈析則其國有苛禍若第一星與第二星  
拆主吳分會稽有殃其它以分占之星若就聚則

其國有亂臣若第六星與第五星聚主廬江九江  
有賊臣其它以次占之若六星俱如是天下兵尽  
行亦曰天子自將兵農夫釋耒耜執干戈甚至之  
失國

南斗宿所主分野度數

南斗六星二十六度距魁第四星去極一百二十二  
度在赤道外三十一度

舊經去極一百一十六度

唐一行云南斗去極一百一十九度

天文錄云南斗所主分野屬吳越揚九江廬江豫章



丹陽廣陵會稽外國主吐火羅穿阜面白毒并九  
小國

南斗所管星

驚星在南斗南其北頭星入南斗二度

天泉星在南斗東其西北星入南斗九度

狗星在南斗魁東其西星入南斗六度

天田星在斗南其西北星入南斗二十四度

建星在南斗魁東北其西第一星入南斗二度

天胃星在建星北其中央星入南斗四度

河鼓星在牛星西北其大星入南斗二十四度

左旗星在河鼓西南其北星入南斗十七度半

天雞星在牛星西其東南星入南斗二十一度半

狗國星在南斗東其北星入南斗一十九度

織女星在天市垣東北其大星入南斗十一度

漸臺星在織女星東南其西南星入南斗一十四度半

輦道星在織女星東其西北星入南斗一十七度

左旗星在河鼓北其西北星入南斗二十度半

九坎西三星在斗南其西南星入南斗二十四度

天津西一星在河中其西北星入南斗二十三度

牧夫星在瓠瓜西南其南星入南斗二十四度

日蝕南斗星

天文錄曰日在南斗蝕則戒之在后夫人嬪御且有使巫祠祝求幸於王者

天文總論曰日蝕南斗將相有憂

李淳風曰日蝕在斗其國兵起

石申曰日蝕南斗皇后有災

海中占曰日蝕南斗相將受戮

武密曰日蝕在斗吳分有兵

陶隱居曰日蝕南斗帝惡之

大衆旁通曰南斗主天府廷太宰佐其分野主吳日

在南斗蝕主大臣被黜吳地有兵災若蝕不及二

分者其殃在人臣若及三分已上者天子當出德

令以解之不然其國失祚一日日蝕斗人君走

注曰君走謂失祚  
素耗而走也

陳卓叙占曰日在南斗蝕幾既天子憂內亂一日其

國將亡則日在斗蝕既亦曰主弱臣疆

古今通占曰日蝕在南斗從上始者天子惡之從下

始者宰相惡之亦曰有被黜宰相從中始者是謂

黑子亦中蝕也主內亂亦曰後宮有變謀一日禁

衛兵為亂

河圖遠書曰日在南斗蝕在晦不在朔主大臣專恣  
擅人君柄日在南斗蝕在二日不在朔主吳地有  
兵亦曰有僭竊大臣

京房外傳曰日在南斗蝕京師見四方不見其殃在  
人主故曰人君內弱政在人臣日在南斗蝕四方  
見京師不見其殃在人臣故曰吳地有急兵

廣古今占曰春甲子日蝕南斗天子當賜赦以解之  
不然有憂夏丙子日蝕南斗主天子宮庭有災秋  
庚辛日蝕南斗吳分有暴兵冬壬癸日蝕南斗宰  
相被斥逐四季戊己日日蝕南斗賢人在野不肖

者在高位

晉明帝永寧三年十一月癸巳朔日有食在南斗斗吳  
分也其後蘇峻作亂

唐武德六年十二月壬寅朔日有食之在南斗十九  
度吳分也

吳龍元年十二月乙丑朔日有食之在南斗二十一  
度斗爲丞相位

日暈南斗

天文總論曰日暈南斗則宰相有憂

武容曰日暈南斗宗廟不安臣有慶

古今通占曰日暈南斗再璽內青赤外蒼白旁有兩  
珥者其野有驚憂亦曰有兵憂

張平子通例曰日暈開口在南斗吳地大旱赤地千  
里百姓不粒亦曰國饑民死白骨籍籍

河圖遺書曰日在南斗暈再重復有白虹貫之者其  
國有急兵亦曰天子親戎朕

陳卓叙占曰日暈南斗及七重外有黑氣入暈相奄  
者有被黜宰相亦曰大臣被斥逐

一行游儀後論曰日暈南斗上有冠氣者其國有兵  
起色黃言勝餘色皆凶

大象旁通曰日暈南斗內有黑氣相奄覆者其國有  
饑民一曰糴貴民亡

月蝕南斗

天文錄曰月蝕斗則后夫人姪弟當有黜者

天文總論曰月蝕南斗其饑民流亡

李淳風曰月蝕南斗有小兵

石申曰月蝕南斗皇后有憂

大象旁通曰月蝕南斗其說不一或謂女主憂兵起  
小國饑民流亡其事雖殊考其所以各有攸當月  
在南斗蝕從上始者女主有憂皇后惡之蝕從下



始者其野大饑民流亡蝕從旁始者其國有小兵  
陳卓叙占曰月在南斗蝕我既其野大匡受辱一曰  
國失良弼

一行游儀後論日月在南斗蝕既天悔不見星至曙  
者其野政出臣下一日國政大壞將棄祀興戎  
廣古今占日日在南斗蝕非其月其野有兵變亦曰  
有內變

月暈南斗

天文錄曰月暈南斗大將憂

都萌曰月暈南斗大將死民流馬多病

陳卓曰月暈南斗大臣免五穀不收

至咸曰月暈南斗國相死一曰大臣當之

大象旁通曰月暈在南斗與歲星合者大臣進秩一

曰賢人在高位廊廟有賢佐月暈南斗與熒惑合

主後宮有憂亦曰賢臣失職月暈南斗與鎮星合

者主大臣被斥逐吳地民饑月暈南斗與太白合

者天庖廩有兵起一曰鉄鉞用月暈南斗與辰星

合者其野大水國饑民多餓死吳分尤甚

陳卓叙占日月暈南斗一重至五重者其國有坐事

大臣若月內再暈一重已上後宮有匿謀

廣古今占曰月暈望在南斗其國失忠臣月暈上弦

南斗其野有竊人君柄者一日有彊臣月暈下弦在

南斗其國有大饑百姓炊骨

古占註曰百姓炊骨其多食可知星傳曰人相食是也

### 月犯南斗

天文錄日月犯南斗臣將死風雨不時大臣誅月一

歲三入斗其歲有赦

天文總論日月犯南斗近臣有變易相爵祿失大臣

憂刑戮不然上卿非理失

却萌日月宿斗主風一日宿魁中大人憂

黃帝日月入南斗天下大赦

河圖帝覽嬉日月犯斗大臣將兵

陳卓曰月犯南斗風雨不時

却萌曰月乘南斗斗色惡丞相死又日月變於斗有

亂臣更于法令者

李淳風曰月入南斗魁大臣太子辱宮中有賊

武密曰月入南斗女主憂又曰趙魏有兵

大象旁通曰月犯南斗第一星主吳有兵喪月犯南

斗第二星主會稽有急兵不利攻舉月犯南斗第

三星主丹陽有兵為亂月犯南斗第四星主豫章

有自立諸侯月犯南斗第五星主廬江有失職大

臣月犯南斗第六星主九江有事忠大臣若月凌

犯奎星不見各以其星占之而命其國

古詩曰  
第一星謂

一星也

陳卓叙占日月入南斗倚斗前主賢臣坐罪國將失

祚月入南斗倚斗後主後宮有災若月入南斗魁

中主貴人無辜繫獄

河圖遺書曰月行側道逆犯南斗中其國失忠臣歲

歉人相食

晉成帝咸和六年正月丙辰日入南斗占曰有兵是

月石勒殺略婁進二縣人明年石勒眾又抄略南

渡海虞八年七月石勒死石季龍自立咸和八年  
三月己巳日入南斗占曰有兵其年七月石勒死  
彭彪以譙石坐以長安郭權以秦州並歸順於是  
遠督護喬球率衆救彪彪敗球退又石季龍石斌  
攻臧坐權

晉穆帝永和元年二月乙丑日入南斗占曰兵起是  
時帝冲幼母后稱制將相有隙兵革連起慕容皝  
歸稱燕王伐不休

晉哀帝興寧三年七月庚戌日犯南斗占曰女主憂  
明年五月皇后庾氏崩

晉孝武帝寧康元年三月丙午月奄南斗第五星占  
曰大臣有憂死亡一日將軍死七月相溫薨

晉安帝元興二年六月甲辰月奄南斗第四星占曰  
大臣誅不出三年後十二年二月相玄篡位放遷  
帝后於潯陽以未安何皇后為遷陵君三年二月  
劉裕盡誅相氏

唐代宗永泰十年正月入南斗魁占曰大臣死至三  
月乙卯梁國公李抱玉卒

乾象通鑑卷第四十一